


181
:5



槐塘詩稿卷十一

錢塘汪沆西顥著

粵遊集

戊寅歲曾偕將軍新公赴粵東居未兩月旋即返軫追理遊踪頗自悔其草草越二年應李欽齋制府之招自江干開程至庾嶺道中得詩二十九首沈蕨林廉使已爲予訂而付梓今合抵粵後所作彙爲一集題曰粵遊仍蕨林之命名爾從予遊者吳生祥金從子宗錚

雨中發錢塘江

江闊鳴疎雨潮平露淺沙停帆纔隔歲載酒又離家孤
塢撐霄漢遙汀隱蒹葭是夕泊舟六和塔下望中多物色游興繞
天涯

次韻

吳祥金 雪青

急雨催征櫂平江接遠沙儒冠多誤我襍被且辭家
冥冥離羣雁蒼蒼夾岸葭片帆從此去回首卽天涯

宗鎔 和甫

無聞年四十事事飯蒸沙負米強爲計抽帆同別家
川長稀斥埃雨冷溼蒹葭回首衰親遠憂來詎有涯

蘭溪縣道中

蘭陰山下路傳是小蘇州俗稱蘭溪爲小蘇州作客銜臚集人家

帶郭稠酒勝缸面醞棗愛赤心投物產吾能計圖經待

續修梁左二明府先後招予纂葺邑志俱以事阻未赴

自青梅塘抵龍游縣

一雨絲四日彎跽藏一身杳杳遵川塗黯黯失夕晨差
喜帆力健如馬奔絕塵煮酒且爲快誰教蕪溼薪煙濃
凝不散熏灼逆鼻脣涕洟無端來掩目不得隣今朝乍
開霽遠峯出嶙峋水窗面面拓屈蠖得暫伸欣戚亦何
常倚伏本有因姑蔑指前郭逸軌懷先民杜門謝不出
吾慚徐伯珍

晚泊大響灘

逆藩耿精忠兵敗於此

曾記孫盧窺睦州當年開府鎮洪流地鳴鼓角千灘急
山颭旌旗萬木稠堪笑井蛙成底事盡殲妖鳥更何憂
健兒吹笛城樓臥萬里車書得縱游

曉發常山縣

一呷卯時酒旋登丁字輿

常山竹輿每以二人居前一人在後予戲名丁字輿

匆辭候館草草即長途山市饒柑橘豐年多黍稌經過
風物美未覺旅情孤

放溜焦石塘舟為石損

日落未落天滉漾水冥煙昏匪一狀急搖三板下弋陽

斗覺雷聲出地壯一灘瞥過一灘吼賈勇長年詡神旺
世間失意多順流石啣波心不知防篙癡艣澀阻難前
心惕衣袵疇敢忘我語舟人爾莫愁洪州南去古虔州
小懲大誡天有意十八灘頭穩駕舟

從巖漱谷借西江志

漱谷時客南昌

莫悵西江遊較遲愛山情味少年時淹畱一任嘲胡賈
憑仗圖經作導師

故人憐我上危灘定比荊州借不難曾記昌黎詩句好

每逢佳處便開看

昌黎有將至韶州寄張端公借圖經詩

豐城劍池

石鼓須擊西蜀桐寶劍要拭華陰土異物不遇博物人
零落聲光向誰語千年雙劍躍鐔州賸有枯池傷彫樹
自問恩讎我本無不習千劍讀千賦

大風泊楊林洲竟夜不寐

豐城城外日將夕章貢二江奪流入狂風忽吹江倒流
白浪駕空作山立一帆直上捷于射勢急張弓不得卸
左掀右簸舞中流洶洶洪波吁可怕風聲夜挾江聲驕
穿林獵岸鳴刁刁天不肯明雞失旦檣傾柁折愁終宵
人生失足豈在遠貪者知進不知反沙洲之泊應自戒
此悔桑榆收未晚

同作

吳祥金 雪青

大風陡發空江吼水氣昏昏沙石走驚濤拍天山谷
浮黑雲匝野蛟龍鬪恍如山鬼夜嘯鼉鼉號又如人
馬拉雜刀兵交千艘萬艇簇沙際欲泊未泊羣聲囂
自酉入夜轉交子餘威颯颯猶未已幾回推枕擁衾
起側耳聽風兼聽水豈不畏風波饑來驅我無如何
豈不羨安樂壯心未肯終屈蠖君不見東西南北奔
走人朝游齊楚暮燕秦襟期磊落見聞遠浩氣直欲
凌滄溟又不見千金之子紈袴兒一坐必凜垂堂危
生平足不出鄉里江湖險阻胡由知我聞嶺南濱海

海連天蠻雲瘴雨愁無邊陰陽相搏颶颶作地軸如
轉天如旋我身未赴心已赴言之便覺神魂怖他年
鼓柁萬里游歷盡艱難應解悟回思今夜楊林洲猶
是人間平坦路

過臨江口寄清江沈賡堂明府

記別閩南校士年中間消息兩茫然用杜竭來江表孤

舟迴聽說官清萬口傳屈指故交同落葉抽身何日賦

歸田梅花繞屋山當戶曾否西湖卜一廛聞君買宅未定

舟中望玉笈山

山在峽江縣東南四十里道書十七洞天

三十二峯廿四壇夕陽縹緲浮雲端琳宮金闕渺何處
彷彿招我驂青鸞我聞九仙拔宅已排閭闔去采朮茹
芝幾人遇獨畱鄧老吹笙臥月明猶煮菖蒲傍松樹此
山有志傳令狐唐道士令狐見堯劫灰再歷墮蓁蕪古
今那有不死藥莫信方士五岳真靈圖一帆江上聊自
娛有書可讀酒可酌承平無地非員壺爲謝辛苦驪山
徒黃庭堅玉笈山何君洞詩九仙承詔上龍湖盡是驪山所送徒

樟樹鎮王文成起兵討寧藩宸濠處

老溲猖狂突弄兵書生談笑誓師行疾雷一夕趨章郡
下策千艘襲皖城餘禍罪難寬許泰先機功合讓王瓊

茶寮平泖豐碑在勛業還推細柳營

謁文信國祠卽用信國發吉州韻

小朝廷墮虞淵日益王乍殂衛王立丞相勤王仰天泣
草檄飛書朝逮夕航海脫歸鐵衣溼誰使空坑挫一擊
恨不早斬呂文德鯨鯢翻波陣雲黑厓山舟覆地維圻
痛心同氣甘作賊髮直齟穿目電赤檻車不避赴薊北
柴市畢命誓報國生祭之文喙可息蘋蘩一薦廟有赫
正氣長畱貫虹白

讀宋史信國本傳後人有未盡窺公隱者再用
前韻賦之

魯陽難揮已沈日丞相獨撐半壁立誓師平江紛雨泣
降表誰教送一夕臣妾簽名墨猶溼憤同博浪沙椎擊
乾坤欲盡還乾德帝昷蹈海海波黑趙家寸土盡傾圻
春秋義重仇與賊臣力雖竭臣心赤願隨瀛國轍同北
僞請黃冠歸故國肯使少康一旅息千秋俎豆享烜赫
颯颯靈旂江月白

快閣

在泰和縣東南城上宋邑令沈遵題名黃庭堅賦
詩後閣之名益著

壓城高閣聳岩巖詩版涪翁壁上標涼滿一襟風乍起

晴開千里雪初消殘年無賴催人去好事誰能載酒招
寄語鑑湖任太守三間分我老漁樵

鑑湖上近為任處泉太守購得

過阜口鎮次楊誠齋韻

竟日掩篷坐不知過幾灘鐘鳴古寺近雨急暮江寒
僕只思臥殘書又把看前津問梁口卅里水雲寬

贛州灘行口號

一月江行路二千上灘愁比上青天為言游子休惆悵
只作今朝纔放船

下水船如竹箭流上水灘如竹節稠竹垞有句吾能記

預想歸帆下吉州

竹垞灘行詩客行預想歸程樂扶艣嘔啞下吉州

小如鶩鴨大犀象怪石巉岈蔽一川天柱灘高撐不上

絳夫三百又添錢

報道十八灘行盡萬安九灘贛九灘

十八灘半在萬安縣境半在贛州境

莫倚無灘便歡喜驚湍急漩上南安

儲檀廟邊夕照紅老板賽神齊鞠躬

江西舟子俗稱老板黃雞白

酒焚香祝暮暮朝朝乞順風

登贛州城樓

有客登臨指水窗

用宋史劉彝事

崇墉屹立冠南邦時平壯士

猶調馬

是日總兵率將士習射

望遠游人共繫纜五嶺南連雲漠

木坡詩和 卷一
漠雙江東去水淙淙坡仙八境臺詩在誰繼龍文鼎獨扛

南康縣道中用趙清獻公入贛聞曉角韻

江如新安見底水山如武夷曲九里南游漸遠境漸佳
痿者居然一朝起停船沙渚小浴緣欵乃一聲吹入耳
風波溶漾不驚人泛宅浮家亦足矣墨君樓在最上層
欲尋畫壁雙屐登古人不見來者誰落日危欄且獨憑

贈吳星巖

瓌材自合紆金紫卑秩何爲困吾子賈島作簿孟郊尉
挫折詩人例如此子今休賦畔牢愁膝下佳兒盡杞梓

不妨吏隱日哦松身在珠池心在水願子清白繼家風
一酌貪泉修故事

晚次賢女舖用朱子南安道中韻

川回暝色起日暮客愁深遠樹隱層巘餘霞變夕陰淹
畱生計拙顏狀老翁侵肅肅沙頭雁南翔識此心

同作

吳祥金 雪青

江清鱗不掩山遠翠逾深近粵冬猶暖孤村晚忽陰
漸忘飄泊感况少雪霜侵落日澄潭下悠然靜者心

江右

江右十三郡太半稱澤國濫觴自章貢萬派匯於北尾

閭納鄱陽浸天渺無極食乃民之命水為農所亟我聞
 前王政河渠志九域高者障以陂下者界以洫淤者畚
 鍤疏潰者芻茭塞大川不為防支流順所入旱澇兩無
 虞耕鑿黲菜色如何司牧者晚近事姑息水道恣佔奪
 禁令不能戢羸蛤蒲葦利盡歸姦蠹蝕乾愁夏禾枯霖
 恐秋稼涸災年議蠲賑狼籍太倉粒我

皇愛元元憫農若弗及昨允御史奏修舉宜汲汲鑑古
 酌以今審度慎張翁官租罷升科失一得可十京茨樂
 穰穰閩澤徧千邑試看白公堤作式永奕葉

白公堤在清江縣東

北舊名土橋墻康熙間大水膏腴數萬頃悉成汙萊屢
 修屢潰雍正戊戌巡撫白公潢捐金修葺歲慶有秋士

民呼為白公堤高安
 相國朱軾紀事勒石

南安旅舍憶弟

高閣憑溪架疎林隔岸遮羈人來絕嶠落日忽思家竹
 葉新篳酒黃梅初試花故園回首望雁影一行斜

度梅嶺

百粵控荆吳地大物蕃廡有嶺界南天命名稽自古秦
 因梅銷稱漢緣大小庾峨峨張相國荒榛闢險阻冠蓋
 鬱相望詎特利商估我兩涉炎溟權從閩海鼓夢想橫
 浦關莫假凌風羽茲來孟冬晦風日樂晴煦際曉上籃
 輿看山勇可賈盤盤曲磴高松杉莽參伍漸進躋其巔

雙厓訝削斧箭筈通一徑壁立峙樓櫓回視羣峰低微
茫辨平楚偉哉造化功南交屹門戶道逢折花人梅枝
驚已吐小憩尋花源稀疎祇三五疇爲好事者上下千
株補持以代憲蘇用釋行役苦附會陸凱詩此義亦足
取

張文獻公祠

開元天子朝政失公也識機補其闕錄成金鏡貢至尊
十漸十思心一轍弄麀宰相爾何人徒工貝錦讒孤臣
冥鴻詎屑鷹隼伍賦進羽扇旋抽身庾勝嶺頭九折上
開闢蠶叢利攸往卜居臥憶始興山未得遄歸獨悵惘

用人自古辨薰蕕誰使秋蘭萎楚州終教鞀鼓漁陽起
淚落空山風度樓

宿飲仁亭題壁

在保昌縣太平門外

一宿郵亭亦偶然讀碑爭識李侯賢

康熙壬辰年
前令李某建歸程

預想門前泊指點長橋百尺連

東莞香

馬蹄岡雞翅嶺戶戶種香不計頃開門開戶年復年一
兩香償金一餅民生在勤播百穀不聞生結熟結可以
療飢腹嗚呼妨農害稼連陌阡眼底何獨一香田

雷州葛

雷女采葛緝黃絲東家織綌西織絺織成一匹血牙色
軟比鮫綃薄蟬翼朝來里長持縣符爲言上官火急需
織女下機語向夫好持全匹了官逋妾身尙有蔽體襦

程鄉繭

育繭織作綢椒柘分明各不侔育繭織作布羅浮大蝶
化絲吐紅綫兩端機杼良縐紋感起壓文昌吳綾蜀錦
無輝光物情好異爭相尙花錢五員購一丈裘馬翩翩
詡時樣君不見窮簷不少無衣人天寒布單長酸辛

化州橘紅

蘇澤堂前仙橘一流傳一月結一實兩頭尖尖裁作片
一片入口痰冰釋此樹風拔幾百年清風樓下樹亦顛
後人亂眞雜橙柚猶鈐州印朱文鮮不脛而走北逾嶺
縞紵相遺笑膺鼎黎峒椒東阿膠胡爲名實多混淆虛
聲純盜皆爾曹

李欽齋制府燈夜讌集二首

黯黯春愁熨不開尙書爲我泛深杯十年前事從頭憶
惟有何戡首重回

聽徹瓊簫與鳳笙何人顧曲驀心驚錦屏六曲燈千樹
我亦難忘太上情

木棉花歌

堦前一樹五丈強，槎枒老幹摩穹蒼。攀枝班枝考名異

云是吉貝亦失詳

廣東稱攀枝花，廣西稱班枝花，以吉貝樹接烏柏即成木棉，泊宅編所載

謂吉貝即此樹非也

春來半樹芽未茁，那辨青葉如香樟

廣羣芳譜木棉

花似山茶葉似香樟

試燈節過花信動，三點五點紅低昂。遠客乍

到少所見，錯認楓葉凋青霜。不逾浹旬開，翕絕猩脣鶴

頂爭曦光，故園梅杏不到眼。對此忽發狂，夫狂花神似

欲勸客飲，飄飄朶朶金杯黃。側聞花落更奇絕，枝頭結

子工包藏，絢爛之極歸平淡。解苞飛絮隨風颺，蘆花柳

花詎足擬，功同獻繭精。而良廣州黎赤百萬戶，富者在

城貧在鄉，馬人蚕戶多鶉結。嚴冬噤瘁情，悽愴曷不勸。種徧海滙，免教蔽體悲無裳。

同作

吳祥金

雪青

嶺南二月攀枝紅，枝枝照耀樽桑東。庭前老樹花正

發，恍疑焰逼咸陽宮。炎邦此樹洵足異，停車詎愛明

霜楓。或云本是吉貝樹，接以烏柏花逾濃。春風料峭

花易落，花落作絮飛茸茸。我聞古有白氎布，此花織

出何其工，欲尋遺製不可得。虛聲純盜嗤雷同，特憐

明豔亦眩目，何為半萎泥沙中。顛狂柳絮已可憎，爾

效其態宜飄蓬。

王蕉窗惠越酒以西湖志答之

名馬名姬互易回雖稱豪舉是粗才何如我輩生涯淡
東屋攤書西把杯

九日鎮海樓登高

航遊歷九州兩度涉南海炎方氣候殊秋杪燠恆在佳
辰際重九宿約招不待登頓歌舞岡汗浹衣襟解有樓
聳突兀直上凌巒嶂梯枕躋其顛決背窮溟澥八窗天
風來人意倏瀟灑俯眎培塿耳平楚入鬢鬣越臺已荒
榛降王亦廢壘弔古不暇悲所嗟秋稼萎五旬旱太甚
艱食我心痲誰能鞭癡龍一起溝中餒社鼓賽西成極

目炊烟靄

贈吳雲巖學使三首

茅李科名盛

前明茅公瓚李公旻

周金衣鉢新

謂雨甘慕齋海住三公

聲華

繼前哲海寓仰聞人溫飽志何在文章筆有神早傳趨
講幄

主德沃心陳

銜

命來東粵掄才秉至公三年丹墨瘁十郡咏歌同樹鵠
崇經術循陔表士風承歡進康爵此意感無窮

旅食紛遊子窮途仗友生

杜

爭傳執高義通謁總關情

澤被九河潤居同廣厦成粉榆欣有託春滿五羊城

謝吳淞巖太守惠端硯

硯我生平好無力苦難索蹉跎三十年囊貯一片石寶
之壓紅絲摩挲朝至夕銀杯忽羽化臨書每嘆惜竭來
南海遊端州近可接太守我故人稔我有殊癖琳瑯開
玉府割愛恣採擇多取懼傷廉雙珏願已適攜歸拂拭
看色錯青紫白溫如復粹如無一瑕可摘老我足代耕
不負萬里役君今領雄藩政成聲藉藉人材比硯材見
聞今異昔見君所撰水巖大西洞硯石說多士萃天章即端溪書院要當勤
護惜魁儒陸中允謂大田峩峩主講席願同攻錯之成器

重球璧儲以薦

彤廷報國庶多益

紫雲硯歌為徐脊夫作

信國昔有玉帶生飛書草檄神鬼驚謝公片石伴卜卦
不逐萇宏血同壤二硯我俱親見之愛護遠勝珣玕琪
十年兩度嶺南道購得新坑不足寶南洲先生鑒別精
五羊市上掇其英紫雲一朵光紉縵直方四寸橫逾半
肌嫩渾如幼女膚呵氣淚滴玉蟾蜍元明開採那得此
定是梅巖割天水輕裝直敵連城價尤物從來歸識者
為言封裹好收藏莫使蕭郎覩屋梁

木坊言和 卷一 書廣州府志後

嶺表誇名勝雄藩數廣州圖經百年闕粉社八賢修

者為吾杭沈市舶通羣島羈人抱隱憂彈丸蠓鏡地未

雨貴綢繆

別託中丞

金張華胄冠中朝物望人爭指斗杓出納

絲綸專

制誥平反槐棘約科條褰帷

特命巡方出箠羽還聞拜爵超開府三吳財賦地甘棠

何地不歌謠

巖疆第一數炎州移節從紆

南顧憂米賤共傳來李峴國肥真足擬韓休封章每獲

宸衷契課吏惟于民莫求鯁壑無波雁不吠勛名史冊

炳千秋

繡幃牙幢秉鉞尊最欣祿養逮親存宮袍戲學萊衣舞

鼎食烹同江鯉磨千尺靈椿偕日永一叢慈竹藹春溫

金昆玉友康觚獻樂事天倫萃一門

奇竹椽聲若箇知八旬鈴閣許追隨濫竽未得酬毫末

旋軫多慙咏繫維一月內招飲十二次顧我已無千里志從公自

悔十年遲登庸祇祝金甌卜小草還霑霖雨滋

和項瑞菴贈別原韻

每有西風歎思鄉意轉深正尋灘上權忽枉小山吟東
閣翹材館千秋著述林如君才調少不愧譽南金

槐塘詩稿卷十一終

槐塘詩稿卷十二

錢塘汪沆西顥著

小滄浪集

小滄浪在蘇州撫署之內饒水石之勝宋漫堂中
丞所築也予近年假館亭中日對滄泓每以足纓
自戒而矚然無滓之懷惟水可鑒亦未嘗易境思
遷其有不能已於言者隨感而發所謂在心爲志
發聲爲詩者殆庶幾焉

滄浪亭

南國冠胥臺締造肇吳越長史謫宦至平分水與石魚

婢狎浮沈鳧翁偕出沒歐梅兩詩老贈句猶苾勃人往
七百年遺墟付耕垡好事商邱公庭楣榜重揭翰墨繼
前賢風流映巖碣我來春乍暄齋心古祠謁步履度石
橋隔垣見叢樾入門舊徑改屈曲抱山骨樓閣向背殊
花樹紛敷發想像鶴夜歸尚戀煙霞窟此邦富山水勝
地交突兀回首歌舞場綺羅盡銷歇惟此一泓波芳躅
仰不竭

長夏雜賦

結夏殊僧舍招涼謝露臺地剛十笏滑門稱四方開白
髮數晨夕清風納往來蕉衫與葵扇相對亦佳哉

我嬾百無用况茲日似年從他書帙散且就竹牀眠瓜
削孝陵衛茶烹慧麓泉重勞貽茉莉香到墨池邊

宵分廊下坐浴罷一披襟語默各自妙星河看漸沈微
微風獵徑隱隱月窺林羣動此俱息悠然諧夙心
高館渺人至寧煩程曉嘲遠聞蟬唱送密愛樹陰交寂
寞棋誰賭膏騰扇屢拋詩成聊疥壁敢望鼠鬚鈔

畱別莊大中丞卽次其寄裘漫士少宰錢稼軒
少司寇韻二首

六十衰翁何所求錯教人認賈胡畱久無千里驂騑志
合伴長林麋鹿遊生計飯牛從甯戚著書賣餅說何休

但教早了名山業不問餘年非我秋

墨瀋淋漓那得乾官廚飽食敢求安樓成五鳳談何易
塔結千花愧獨難北隴已知騰笑久西湖可使舊盟寒
野人此去無他祝霖雨蒼生洗眼看

小谷以新詩見貽奉答一首卽用題洗硯圖韻

秋暑苦墮甑揮汗曉達夜忽誦冰雪文置我雲門下涼
颺桂砌生爽氣竹閒借赤日亦斂威不用羿弓射夫君
詩中豪久騰結綠價如何東馬材獻賦竟報罷感懷白
頭吟貧家女難嫁依然不窺園一任黃鸝罵我聞哲人
訓學殖譬藝稼張王自有時得地可以霸西風碌碌場

快意一舞蔗莫問桃李花浮榮撇眼謝

歸自吳門走訪甌亭仍用前韻

幽齋一巷通剝啄值昏夜解衣略寒暄共座叢蘭下相
看兩白頭歲月不我借君潛魚在藻我歸鴻避射浮名
同畫餅齒冷索高價惟有汲古心垂老未能罷雖嗤屋
仰梁猶勝衣代嫁面喜要人疎耳無醉尉罵東郊十畝
田聊復事耕稼著書豈窮愁要在辨王霸守拙甘茹荼
味道等噉蔗與君寶頽齡世氛揮手謝

甌亭招赴焚公文室探桂用東坡八月十七日

竺山桂花分贈元素韻

古寺特尋青桂樹空山同謁白衣仙似無乍有香初放
已去重來記隔年好向晦堂參妙諦底須靈鷲問幽妍
獨愁催鼓吳江權未得誅茆淨社邊

重作吳門之行舟中得詩四首

一旬三辱手書貽那得無心似菴菴此出敢稱司馬悔
重來不作伯鸞噫飛騰暮景憑誰挽料理孱軀只自知
幾見爨材宜雅奏朝朝官粟又虛糜
枉說茆亭築四休白頭幕府又重遊婦因雪作催行酒
兒爲天寒請易裘世事也知羊胛熟吾身肯爲鶴糧謀
金閫此去無多路但報平安百不憂

有弟新歸剡上船相依蛩岨轉相憐課詩竹館剛連夕
翦燭苔廳忽別筵分手可堪形影判此身長享太平年
耦耕花隴前盟在擊壤吟成好共編

篝燈絮語到天明驀聽驪歌也自驚病姊闔門揮別淚
稚孫牽袂問歸程臨岐忽覺言辭拙垂老翻多兒女情
一櫂衝寒劃波去黯然回首望高城

莊大中丞招集清德堂看雪同用東坡聚星堂

韻

昨泛吳江舟一葉掀篷坐對千山雪今宵急雪舞迴風
清德堂前更佳絕尋權且赴東閣招衝寒那惜絲裘折

松糊竹壓低復斜石聳池藏明又滅
淡旬三白兆三登
喜劇狂呼巨觥掣半酣擊鉢燭光零
凍硯微膠冰作纈
惟公澡德內外瑩凡豔之詞賡不屑
獨將健筆鬪髯蘇
疾掃蠻牋纔轉瞥明年宿麥黃雲屯
一飽書生餅能說
公言降康庶有期此夜窮簷衣觸鐵

復雪再用聚星堂韻

南枝北枝未茁葉老眼模糊認香雪
旁人指點雪綴樹
一笑冠纓幾欲絕天花誰道本空花
祇恐簷端壓枝折
連朝六出又爭飛幻出樓臺影還滅
清虛之境上界多
便欲鞭鸞絛一掣御風而行術不能
且泥當筵烘醉纈

平生嗜雪亦嗜梅眼底惟看瓊作屑
熊魚兩者願難兼
咫尺銅坑坐飄瞥何當風雪亂春燈
手拗梅花子細說
廣平一賦戲之耳淡泊相遭心似鐵

周端人過訪三用前韻

饑鳥覓食啄殘葉空庭寒積皚皚雪
蟄居丈室儼枯僧
愁比車輪轉不絕蹉然忽報故人來
急起下堦屐齒折
爲言淡面恥干求十載懷中刺欲滅
思君不見特地尋
日暮徒驚鈴索掣感君意欲強君飲
小戶三杯眼生纈
世閒萬事盡浮雲窮達較量徒屑屑
長安貴人相繼殂
華屋山邱同一瞥寂寥且自抱冬心
觸諱轉喉休更說

歲云盡矣君遄歸鑄錯我無六州鐵

人日清德堂賞雪四用聚星堂韻

莫莢新舒纔七葉靈辰快覩一林雪太平有象不封條
渲染亭臺獨奇絕豐年豫兆四衢花手灑那愁天女折
座中爭慶宿麥登亦喜遺蝗千尺滅我生嬾惰久罷吟
對此農祥筆一掣不賡楚俗屏翦金不賦謝郎衣點纈
要將玉戲鬪癡鱗毫端散落霏霏屑傳柑取次及春燈
火樹銀花來轉瞥坐看千陌幻瑤田三白還聽父老說
衝寒乘興入銅坑不憚虬枝手拗鐵

菜園和王華峯韻

飲河鼯鼠腹難兼擬結畦丁住草檐但得閉門閒可種
絕勝入市買求添清齋松下隨時摘照日盤中何所嫌
不解吞腥啄腐者轉誇肉食十分甜

長夏追憶

記踐看荷約侵晨過戴逵

謂戴黼臣侍御時掌教崇文書院

林端日初

上花外客來時倚檻微香入移船細雨吹西冷橋畔路
棖觸隔年思

小酌漫成

何處難忘涼月上不如來飲晚荷開相疎多似王郎跡
耐久朋惟翹秀才

菊影和王紫圃韻

十幅生綃借月裁雙籬移上粉垣開騷人向夕能餐否
高士多情枉採來色相淡忘原自悔形骸寄傲未須猜
似從好時分根種錯擬攀枝插帽回

秦川好時出墨
菊其色如墨

同作

莊有恭
滋圃

斐然何患不知裁月下燈前四照開半點俗埃無迹
著十分秋色忽神來節全到晚清方信品逸成仙傲
莫猜對此幾人形不穢立竿吾取味於回

眼鏡

雙輪琢就十分圓賴爾光輝慰暮年花好何愁看霧裏

卷開最便讀燈前偶離鼻觀旋相索常守眉端那忍捐
從此無憂疲屢照畢生相守共周旋
漸覺雙眸蒙翳生錯呼殷丈作張兄照來似倩金鑱刮
朗處如從玉府行縱使妍媸皆畢露翻嫌黑白太分明
匣中什襲腰閒佩論夜光侯合讓名

牆角梅

吳兒工盆景一株栽寒英購之入爨館暗香微微生主
人意鄭重護惜逾瑤瓊度以烏皮几灌以白玉觥畏寒
熾獸炭避風下簾旌花開復花謝人心一夕更棄捐那
復道憔悴含淒清緬懷西溪西老榦凌空撐偃蹇謝近

玩歲暮獨崢嶸宛如高士臥寵辱了不驚撫茲爲長歎
詎獨韓公檠

題李漪亭廉使泉石圖

愛山必住山耽水必臨水笑彼石隱流未解仁智理廉
使澹蕩人貯胸富文史家鄰垂虹橋秋色一千里自通
金閨籍清譽妙無比燕寢有餘閒寄情圖畫裏蒼崖隔
榭橫白雲當戶起修竹秀娟娟流水鳴泚泚矧茲秋宇
澄披對洵可喜持躬屹山立宅心湛水止取義或在斯
更參圖外旨

丹徒道中遇雨

百里程如砥吾生此乍經野寬江滄滄林暗雨冥冥不
惜征衣溼還欣倦眼醒六朝山色好天際露微青

弔淮陰侯祠

胯下橋畔波粼粼韓侯豈是忘恩人在齊不用蒯生計
陳豨之謀恐無此假王一請伏禍機雲夢自遭急縛歸
殺侯者誰赤帝子假手娥姁鐘室死

露筋祠

妾聞禮經訓夜行當以燭矧茲荒草濱義不可止逆旅
宿嫂也達權妾守經遑問飛蟲嚼膚毒嗚呼跬步之間
誤失足身命苟全遭大戮偉哉巾幗可礪俗長此清芬

扇湖曲

戲題杯渡菴壁

人生墮苦海茫茫浩無垠一杯細已甚彼岸安得臻沙
門偶寓言泥者昧所因繫予困物役遠揚萬里輪北泛
桑乾河南逮扶胥津狂風蹴洪濤簸揚輕浮萍一壺千
金貴時抱滅頂辛何以寫我憂有酒醇乎醇三杯泯得
喪十杯氣嶙峋傾倒及百杯溟渤眇纖塵始知醉鄉大
可以全吾真委心任造化素位忘沈淪渡人與自渡試
與達者論

揚州寓館月下看繡毬花

一樹團團倚畫樓花開高接月光浮無端動我年華感
青鬢匆匆又白頭

特地

特地長安一紙來遠勞溫石薦非才盲心可更兼盲目
爲謝中丞鼓櫂回

示燕

香泥休更污琴尊借得成巢地主恩莫更誇張棲畫棟
可憐多是傷人門

予病目止酒徐婁湖作詩相勸重理壺觴因和
其韻以答來意

木坊言和 卷十二
土木作形骸天全惟在酒萬事付曹騰遑問印如斗提
壺山水間回憶舊遊久梅探桐塢繁瀑聽雲門吼偏提
挂籃輿鴟夷載鷁首醉鄉日月多長物室何有飢來驅
我去溝隍謀八口直上黃金臺燕筑試吾培踪跡溷酒
徒販繒雜屠狗陰晴任碧翁結交託紅友肝膽藉激發
醇意良獨厚頗覺笑口開一月得八九斷蓬本無根飄
飄萬里走無端泊清淮一夕竟成瞍眇眇劇愁予攬鏡
傷可醜用柔幸舌存汲古免腹負如何巖下電明左忽
昧右謁醫訊所由麴蘖宜戒守樂此不知疲懼難揭其
蔀築薛恐及滕惕若敬斯受徐邈今解人罕譬曲爲剖

和莊中丞扈

三萬六千場誰能百年壽合歡古有訓胡爲湛空缶酒
星勿復囚酒泉清且瀏痛飲莫更疑雙瞳還漆黝此言
洵大佳過花急斟手微醺入黑甜疾疾庶无咎

駕焦山觀古鼎歌

山門分鎮寶器屯玉帶作弟鼎作昆粥魚茶板閱人世
與山竝峙畱乾坤側聞扈

蹕上層巘三詔古洞巋然存仰睇仄徑瘦蛟繞俛瞰怪
石獰獅蹲杉檜夾道奏清籟

帝錫幽賞恬心魂是日江波淨如練海門東望青無痕

雙峯一眺小吳楚境寂惟有春禽言欲窺古鼎下澀磴
松寥閣畔藤蘿捫鼎向弄考圖稽志溯原始斷以周代
窮崑崙神寒質重難逼視祇惜豪奪汗權門復歸淨域
位妥帖涇渭那許淆清渾東陽尙書老詩伯

皇恩久予棲邱園作歌兩邀我

后和日星照耀開煙昏雲云雷回總漫漶汾陰後出休
同論此鼎拂拭慶遭遇光芒不畏驪龍吞况際承平鯤
壑靖天吳罔象潛逃奔鬼神呵護魑魅禦在山何異登
天閣

晚渡揚子江

晚來爭利涉敢說怯驚波忠信平生仗艱難吾道多千
檣趨鐵甕一水接岷峨斷梗從飄泊臨流發浩歌

雜述二首

多遜無端讒李昉子才偏自詆崔暹一般公案存青史
齒冷千秋話柄添

一掇蜂生意外疑厲階從古艷妻爲匆匆竟使同鳧沒
不念衣苔帶藻兒

憫輿丁

召蹶原知戒多慚昇我行馳驅雙足繭辛苦兩肩頰揮
汗幾曾止頽陽未息征凌風誰假翮一慰爾曹情

十二夜對月

好花看到半開枝對月情懷也似之待得團圓愁又缺
不如看賞未圓時

江寧貢院作

牽率無端住二旬窗明几淨也宜人胸忘得失何從擾
身覺蕭閒自離塵看月每耽廊下坐持杯不厭手中頻
尋思往事堪成笑燭盡三條枉苦辛

題金陵寓壁

自哂鍾鳴行不休客居驚又逼殘秋六朝事蹟從誰問
獨看鍾山一上樓

贈袁簡齋

花卮同泛小山堂回首星霜三載強野叟尙能誇舊政
羣公每見譽文章君卿老去言逾妙陶令歸來樂未央
莫道隨園秋色淡蕙庭日月閉門長

夫人祝
嘏題

園有日永蕙庭額
番禺相國為袁太

十月十二日吳門作

六十飛騰過從頭又二春臨風幾行淚白髮尙依人迢
遞松楸隔支離藥裏親蓼莪詩載誦悽絕是茲辰

送番禺相國還

朝八首

忽聽

宣麻下

九天

廟堂爭慶得名賢黑頭似此登庸少丹筆還分枚卜前

公以大司寇協辦大學士吏治諮詢勞獻替海墾耕鑿賴安全

明良一德千秋盛青史從看琬琰編

吏牘臺符滿几堆洪纖事事折衷裁當官不改諸生素

報

國惟將元氣培盡屏紛華歸淡泊獨傳愛惜是人材十

年門館竽空濫慚負陳蕃下榻來

上台人物數炎邦公望公才喜得雙獨秀旌幢移粵秀

公繼榕門相國調撫江蘇珠江袞繡竝灘江蒼黎有福舟同濟臺閣

鴻文鼎可扛異代始興堪繼軌更逢

聖治洽敦龐

豔傳對策上

楓宸

帝擢仙班第一人自昔圭璋多特達至今龍馬見精神

掄才那有珠遺海化俗都傳臺躋春楚尾吳頭五千里

去思鐫膈勝貞珉

白傅風流合結儔杭州建節又蘇州大綱獨舉蠲苛細

小惠何心市噢咻以德化人詞娓娓有容如海量休休
三江底定豐年屢打稻聲中處處謳

西被東漸德化成調元羣仰贊昇平

朝多俊髦因材使法已周詳貴力行幸際

重熙兼累洽可忘保泰與持盈野人擊壤無他祝鞏固

金甌萬載情

大纛高牙領百城自公退食幾經營偶將忙事成閒事

每述先生勛後生公為望山相國門生嘗稱相國當機務旁午時獨以整暇處之事無不就

理為不玉照亭前花似雪滄浪池畔酒盈觥旁人錯擬

南樓興餘潤還霑茅屋氓

鑾輿乍啓

紫泥頒感極真教涕泗潛奉旨恩蠲安徽江蘇浙

萬任土由來應作貢

皇恩偏自恤民艱閭閻疾苦知先達父老遮畱悵莫攀

堯舜君民臻上理豈徒寒士盡歡顏

題家書尾一律

卯君一紙促歸裝讀罷燈前涕滿裳車腳生涯成老大

案頭事業太荒唐繞園幸有千竿竹探甌休愁隔宿糧

紫蟹黃花煩料理還家猶及作重陽

塘棲

客程貪利涉鳴鶻急歸航小市呼鰕菜低檐喧稻梁春
秋非故我懷抱異他鄉更有關情處鄰船販橘香

渡江續集

予四十年中渡江者十有三次至是游而盛衰聚
散之感係焉寓蘇亭僅九月餘以人事輻輳所作
殊不稱意其不忍棄捐者以記其地其時及故交
之生存者爾

題莫柳亭柳下勘書圖

略觀大意不求甚解鹵莽而耕所獲稊稗
小學識字保氏是資六書懵焉面牆可嗤

夫君讀書析疑訂誤日營三倉口沫四庫

舟中望惠山

曾記探幽落葉中秋山歷歷數遊踪品泉亭上攜香薜
禮塔坪前策瘦筇索看竹鑪從衲子愛聽松籟坐高春
卅年舊事眞彈指悵望林端煙靄重

夜泊京口

丁卯橋邊路重來一繫橈雄城鎖南北疊嶂控金焦風
急檣燈颭潮生人語囂兵廚無處問懷古獨長謠

題朱澹泉立堂昆仲西峯倡和集

梅公詩派敵歐蘇五百年來道不孤他日騷人續宛雅

莫教滄海有遺珠

和立堂病中不能探梅韻

蘇亭一叢梅歲晏劇關慮生憎雪滑道瑟縮不能去飢
鳥下啄堦凍雲低壓樹想像女字枝幾點紅椒注維摩
聞示疾不忘日涉趣幽賞偶相違委心安所寓臥擁木
棉裘夢入蒹葭處

蒹葭深處在錢塘西
溪爲梅花最盛之所

飲酒再疊前韻

有酒愁可澆無酒事櫻慮顏唐六十翁酒杯手不去酒
陣奇兵衝酒國大幟樹一醉高枕眠靜聽糟牀注有客
勸勿飲未解此中趣人生疇百年放懷各有寓劉伶真

吾師荷鍤埋隨處

雪中送漱谷還杭州三用前韻

一雪絲五日孤懷愴無慮惟念同調人昨夜渡江去風
吹瓜步潮纜繫京口樹郵籤報水程歸心海東注到日
梅始華寒香愜幽趣我何輕別離有家反如寓行當抽
春帆重尋弋釣處

雪夜懷沈沃田對鷗四用前韻

如穗一燈青兀坐渺塵慮簾外騷屑聲爬沙蟹來去宵
分萬籟寂積素想封樹倦僕頭觸屏苦茗手自注笙歌
沸豪門誰解冷中趣言念二三子高廡一枝寓相思不

相見炙硯吟何處

與余生研南

憶昔讀書廣陵城我年廿七君十五縹緲插架一萬軸
左獵右漁恣攜取新詩脫口輒驚人萬里雲霄盼高舉
嚴君况是詩中豪苗村翁玉敦珠盤作盟主別裁偽體有
淵源濡雪堂前誇接武詩工不信竟窮人隨手黃金散
如土飢來負米赴荆襄生計難爲長袖舞別君彈指三
十春飛燕伯勞消息阻重逢把臂意轉親祇怪鬚髯垂
素縷訊君踪跡飲君茗似鯁在喉不得吐上悲堂斧未
能封下憫兒曹艱嫁娶避債難尋周赧臺依棲尙寄臯

家廡我聞君語一長吁男兒自有傳千古不見才人例
輒軻孟郊作尉島作簿方干賜第身後榮羅隱遭讒逢
世怒其餘秀句出寒餓往牒誰能更僕數願君不廢擁
鼻吟坎止流行隨所遇伊余垂老百無成旬食年年趨
幕府肥瘠忍同秦越看灼艾慚無毫末補廣絕交誰續
賦之緘書隕涕紛如雨

除夕讀趙寶岑古香亭詩集卽用亡友丁龍泓

題詞韻漫成一絕

九張機上織初成暈碧堆紅幅幅橫好句似萱憂盡忘
不知今夕在蕪城

過玉井書齋話舊

人海茫茫兩葉萍重來高館憶前塵酒邊瓊語尋遺墨

燈下叢譚頓夙因酒邊瓊語燈下叢譚二書皆雍正乙卯夏秋之交予寓雙清閣與王梅泚

徵士團冠霞學博齊息園少宗伯屬對經史中語也聚散久成雪上爪榮枯多是

夢中身休教豪氣銷除盡待泛紅橋賦冶春

沃田以近詩見貽和來韻答之

細數淮南舊寓公魯靈光殿獨推翁名傾沈范尙書座

節抱燕齊國士風沃田曾館王樓山中丞幕府抱知己之感中丞笠屐圖藏之篋中客遊必

攜自隨句舊交題詠亦有閒情傳艷體每于下筆恥雷同鄉思一

段知無賴消受清絲脆竹中

書張看雲論畫百絕後

溯從四祖傳衣鉢南北宗分判不同彥遠綜評懷瓘論

一編文采繼家風

粉墨春秋逸不傳誰從指上辨朱絃畫徵錄後勞蒐討

未覺前賢勝後賢

當年詞賦獻長楊走馬銅街氣激昂贏得鄭虔三絕在

煙雲供養老漁莊

五月十四日嚴春林招同沃田對鷗邵武堂集

樊園寓齋分得至字

漱谷我執友有子瑚璉器調羹手小試捧檄心獨喜招

邀撰暇日連襪不速至入座雅吳語笙磬音一致宿醞
泛葦葢鮮果剝菱芰南烹和劑宜酸鹹愜所嗜東陽老
詞伯侃侃陳經義青門種瓜人覩縷述鄉事獨怪陳孟
公玉山頽欲睡我衰百無能當杯奔渴驥持杯不放杯
捷若下埭勢巷靜渺俗喧堂虛襲寒吹既無程曉嘲亦
免劉輿賦將起重逡巡莫逆笑相視半年羈異縣茲會
洵非易惟愁街鼓撾又入鶴笈悶

題武堂聽秋圖

秋士易爲感况久羈異鄉涼風起天末隨葉鳴長廊中
宵耿無寐懷我舊草堂草堂渺何許卜築南湖旁屋前

煙水接屋後菰蒲蒼忘機有白鷺日夕互頡頏時還讀
我書亦或傾壺觴倦則倚高樹醉卽嘯幽篁枳籬抱六
曲白日到羲皇自從騎鶴來清境阻河梁泚筆寓遐思
墨妙孰抗行君才十人了膂力方剛強市隱殊不惡小
樓擁縑緗無事挾雁檣紅橋泛短航一歲兩歸省陔南
壽而康鳩杖苔砌扶板輿花徑將絕勝遠遊子音塵滯
遐荒人生安所遇何必里巷藏負米願不違富貴直糝
糠願期鴻有信無爲吟清商

榮木軒坐雨同張漁川對鷗研南作

又向蘇端過偕尋庾信園雲低簾影暗巷靜屐聲喧涼

怯袂衣薄閒從舊史翻時漁川校南史羈懷牽去住款款話風軒

趣園雨中桂

太息雨中桂飄零不忍看徒留金粟影都向石欄殘培護勞中歲連蜷失舊觀苔錢空滿地秋色一林寒

馬半查招集玉山堂同蓮峯對鷗作三首

別墅闢街南招邀舊徑諳今朝秋正半是日秋分不速客來

三張籍偏僵臥康駢少劇談牙籤盈四庫借讀不嫌貧

問竹循莎砌彎環上小亭微颺響騷屑斜照影瓏玲到

此人離垢相看眼忽青七峯無恙在耆舊感彫零追憶嶰谷

樊榭兩先生

改席登山館明鐙錯落垂果新香飮座羹美滑流匙白

髮難為別時子將歸杭州清樽此共持重闈歸路晚欲起轉遲

遲

方密菴以手書巨幅竝自製佳墨見貽報謝

昨朝把臂澄秋閣自悔家江識面遲羊草丁真書絕妙

清詞麗句冠今時粉榆擬續豐干社棗木重刊秀運詩

老我薑芽徒斂手空勞烏玉玦雙貽

洞庭探梅圖

千株萬株林屋洞十里五里毛公壇願得從君充水手

直看花落到花殘

謝客餉琴魚

琴溪春水漲一寸有嘉魚鬚鬣宛然具浮沈各自殊長魚

琴溪中長僅盈寸每年三月始生上旬遊水面中旬居中下旬藏水底還堪點茶蔘不比

當園蔬遠道勞分餉珍同丙穴如

喜武堂至自杭州飲春林寓齋同作

逢君試燈夕古巷經彌陀旋聞定省歸襤被上吳艤家
書附一紙辱君蒿徑過荏苒倏三月音塵曠行窩客昨
故鄉來為傳民言訛又云鬱攸虐一炬千戶多旅愁焚
如絲杜口絕吟哦今朝重握手藉解煩惱魔寒暄勿復

道粉社近則那答言迎梅雨應節肆滂沱芸鼓四郊鳴
分秧爭荷蓑中丞新政美條教蠲煩苛深巖除伏莽巨
浸息鯨波市者樂闡闡耕者安澗阿朝喧甘澤謠夕騰
擊壤歌熙熙登春臺民氣愉以和聽罷齊撫掌急進金
叵羅

東半查

飈馳電掣卅年徂再接清塵道不孤著作早推徵士頌
精神矍比列仙儒閉門樂事攤千卷娛老閒情戀五湖
見說雅材添驥子玉山文史盛笙竽

送棕亭還全椒

彩箋紛至嬾賡酬且向離堂鬪酒籌小戶自知輸渴驥
衰年難得續盟鷗潮催阜莢橋邊艇風偃瑯琊道上裘
此別又須成隔歲二分月色好勾畱

鷺湖垂釣圖爲看雲題

畫眉橋畔路來往記前塵朱橘盈筐買銀魚出網新每
懷棲樂土無計息勞人獨羨元真子鷗羣伴此身
家鄰笠澤近地占勝情多不待秋風憶時爲銅斗歌蘆
邊花覆艇柳外雨鳴蓑太息釣鼈子投閒狎碧波

槐塘詩稿卷十二終

